



Idiazabalen, bi mila eta hamazortziko otsailaren hogeitaseian

ELKARTUTA

Alde batetik, **IORITZ IMAZ BAZTARRIKA** jauna, Idiazabalgo Udaleko Alkate-Udalburua.

Bestetik, **GORKA ALBERDI IPARRAGIRRE** jauna, 72.456.102-F NAN zenbakiduna, Kale Nagusiko 47-1. B-n helbideratua, «**IZALGO AITA IPARRAGIRRE ESKOLAREN GURASO ELKARTEA**»ren izen eta ordezkartzan.

ARI DIRA

IORITZ IMAZ BAZTARRIKA jauna, Idiazabalgo Udalaren izenean, dokumentu hau sinatzeko berariaz baimenduta.

GORKA ALBERDI IPARRAGIRRE jauna, «**IZALGO AITA IPARRAGIRRE ESKOLAREN GURASO ELKARTEA**»ren izen eta ordezkartzan, IFZ G-20419412 zenbakia duena, Idiazabalgo udalerriko Zepai kaleko 6an (Aita Iparragirre LHI Herri Eskola) helbideratua eta Euskal Autonomia Erkidegoko Elkartearen Erregistro Nagusian inskribatua 1985eko apirilaren 19an emandako Ebazpenaren ondorioz, AS/RPG/01592 erregistro-zenbakiarekin.

Parte-hartzaileek agiri hau sinatzeko behar den lege gaitasuna aitortzen diote elkarri eta hala, hau

ADIERAZTEN DUTE

2/2016 Legeak, apirilaren 7koak, Euskadiko Toki Erakundeei buruzkoak, 17. xedatutakoaren arabera, Udal eskumen propioa dira 19 atalean “*kirola eta kirol-jarduerak antolatzea eta sustatzea, eta erabilera publikoko kirol-ekipamenduak kudeatzea*”, eta Toki Araubidearen Oinarriak arautzen dituen apirilaren 2ko 7/1985 Legearen 25.2 l) artikuluaaren arabera “*kirola, kirol eraikuntzen eta aisialdiaren sustapena*”.

14/1998 Legeak, ekainaren 11koak, Euskadiko kirolarenak, 6. artikuluan, udal eskumenak arautzen ditu, horien artean, “lurralde historikoetako foru-organoei onartutako eskola-kiroleko programak burutzea, haiekin koordinatuta jokatuz”.

Idiazabalgo Udaltzako, 2017ko abenduaren 11n egindako ezohiko bileran, gehiengoan, erabaki du 2018ko Aurrekontua hasieraz onartzea eta, horren barruan, «**IZALGO AITA IPARRAGIRRE ESKOLAREN GURASO ELKARTEA**»ri zuzeneko diru laguntza izenduna ematea.

Ildo horretatik, Alkate udalburuak, 2018ko urtarrilaren 9an sinatutako Dekretu bidez, ebatzi du Idiazabalgo Udaleko Diru laguntzen Plan Estrategikoa onartzea.

Horren I. eranskinean, hitzez hitz, zera dio:



13/2018

1. Organo emailea: Idiazabalgo Udala (Kultur Saila)
2. Zenbatekoa: 10.000
3. Finantza iturria: Udala
4. Kontu izendapena: 1.481.00.326.00
5. Kudeaketa mota. Hitzarmena
6. Araudia: Idiazabalgo Udalaren eta Idiazabalgo Guraso elkartearen arteko hitzarmena, herri eskolako haurren eskolaz kanpoko ekimenak sustatzekoa eta udalerriko hainbat ekimenetan elkarlanean aritzekoa.
7. Lortu nahi diren helburuak eta ondorioak:
 - Koheziketa
 - Eskolaz kanpoko jarduerak egitea eta dinamizatzea
 - Udalarekin heziketa-proiektu zein jarduera osagarrien diseinuan elkarlanean aritzea
 - Udalerriko ekitaldietan parte hartzea eta festetean eta oporretan, batez ere, gabonetan, jardunaldiak antolatzea
8. Onuraduna. Izalgo Aita Iparragirre Eskolaren Gurasoen elkartea
9. Epea: 2018

13/2018

1. Concedente: Ayuntamiento de Idiazabal (Dep. Cultura)
2. Importe: 10.000
3. Fuente de financiación: Municipal
4. Aplicación presupuestaria: 1.481.00.326.00
5. Modalidad de gestión. Convenio.
6. Normativa: Convenio entre el Ayuntamiento de Idiazabal y la Asociación de Padres/Madres de Idiazabal, de fomento de actividades extraescolares y de colaboración en actividades municipales.
7. Los objetivos y efectos que se pretenden alcanzar:
 - Coeducación
 - Realización y dinamización de actividades extraescolares
 - Colaboración con el Ayuntamiento en el diseño de proyectos y actividades educativas complementarias
 - Participación en eventos municipales y organización de actividades en fiestas y vacaciones, en especial, en Navidad
8. Beneficiario/a: Asociación de Padres/Madres de la Escuela Aita Iparragirre de Idiazabal
9. Plazo: 2018

Idiazabalgo Udalak ezinbestekotzat jotzen du «**IZALGO AITA IPARRAGIRRE ESKOLAREN GURASO ELKARTEA**»ren lankidetzat, kirol jarduerak eta eskolaz kanpoko jarduerak eta ekintza osagarriak antolatzeko, Eskola Kirolaren kudeaketan, baita ume eta gaztetxoek aisialdia sustatzeko eta dinamizatzeko ere.

«**IZALGO AITA IPARRAGIRRE ESKOLAREN GURASO ELKARTEA**» Idiazabalgo udalerrian dauden eskola umeek eta euren gurasoek osatzen dute. Haur Hezkuntzatik hasi eta Lehen Hezkuntza osoa biltzen du, 12 urtera arte.

Jarduera horiek Idiazabalgo udalerrian eman daitezkeen eta herritarren harremanen interakzio osasungarri eta partehartzailea sustatzeko aukerak bermatuak izan daitezkeen Idiazabalgo Udalak sustapen zuzena egin nahi du elkartearen jarduerari diruz lagunduz.

Hori dela eta, bi aldeek ituntzen dute ondoko

KLAUSULAK

Lehen.- Hitzarmen honen bitartez arautzen da zein baldintzatan emango dion diru laguntza Idiazabalgo Udalak «**IZALGO AITA IPARRAGIRRE ESKOLAREN GURASO ELKARTEA**»ri xede hauetarako:

- 1- Ekintzak antolatu eta dinamizatzea, bereziki, festetan, inauterietan eta gabonetan (play back, txokolatada, Olentzeroko antolakuntzaren elkarlana eta kalejira, Erregeen kabalgata, gabon kantak, ikuskizunak...)
- 2- Idiazabalen Eskola Kirola kudeatzea.
- 3- Eskolaz kanpoko jarduerak, txangoak, ikasturtearen amaierako festa eta hitzaldiak antolatzea
- 4- Udalerrian urtean zehar antolatzen diren ekintza ezberdinetan ume guztien partaidetza bultzatzea
- 5- Blusak, goxokiak eta materialak hornitzea



- 6- Eskolarako liburu, materiala eta fotokopiadorearen mantenimendua.
- 7- Zaintza zerbitzua.
- 8- Eskolako proiektuetan laguntzea.
- 9- Udalarekin heziketa proiektuen diseinuan elkarlanean aritzea
- 10- Jarduera eta ekintzen informazioa zabaltzea interesa duten kolektiboetara (gurasoak, eskolak, Udala, etab)
- 11- Berdintasuna eta aniztasuna bultzatzea

Elkarteak instalakuntzak modu egoki eta zuzenean erabiliko ditu; jarduera eta ekintzak ordutegi egokietan egingo ditu eta udal zerbitzuekin koordinatu beharko du.

Bigarrena. Horretarako, Idiazabalgo Udalak HAMAR MILA EURO (10.000,00 €) jarriko ditu aurrekontuko 1 481.00.326.00 2018 “Transf. Arruntak. Laguntzak, Aita Iparragirre Guraso elkarte” kontu izendapenaren kargura.

Diru laguntza bateragarria da helburu bereko beste edozein subentzio, laguntza, sarrera edo baliabideekin. Diru laguntzaren guztizkoak inoiz ez du jarduera diruz lagunduen kostua gaindituko, ez banaka ez beste subentzio laguntza, diru-sarrera edo baliabideekin batera.

Hirugarrena. «IZALGO AITA IPARRAGIRRE ESKOLAREN GURASO ELKARTEA»k egiaztatu du zerga betebeharrak eta Gizarte Segurantzarekikoak betetzen dituela eta azaroaren 17ko 38/2003 Diru laguntzen Lege Orokorraren 11. artikuluan onuradun izateko ezarritako gainerako baldintzak ere.

Idiazabalgo Udalak egingo dituen egiaztapenak onartzea, bai abenduaren 19ko 21/2003 Foru arauak, Gipuzkoako Toki erakundeetako Aurrekontuei buruzkoak, eta Herri Kontuen Euskal Epaitegiko legerian ezartzen diren finantza kontrolak ere, diruz lagundutako jarduerak aurrera eramanez eta gauzatzeari buruz eskatzen dioten informazio osagarri guztia emanez.

Idiazabalgo Udala jakinaren gainean jarriko duela beste herri administrazio edo erakunde publiko nahiz pribatuk helburu berdineko beste diru laguntzaren bat ematen badie, edo diru laguntza emateko kontuan hartu diren baldintzetan edozein aldaketa gertatzen bada.

Idiazabalgo Udalaren lankidetzatza agertzea diruz lagundutako jarduerari buruz informazioa eman, publizitatea egin edo propaganda guztietan, bere irudi arauak zainduz beti ere. Halaber, euskaraz egingo da lehentasunez, eta gaztelania erabiltzen bada, inoiz ez da erabiliko euskara baino gehiago eta gehienez ere euskara erabiltzen den maiztasun berdinean erabiliko da. Generoaren ikuspegia ere kontuan hartuko da; eta, horrenbestez, ez da diskriminazio elementurik erabiliko ez hizkuntzan ez iruditzen ez jardueretan.

Laugarrena.- Idiazabalgo Udalak diru laguntza ordainduko dio «IZALGO AITA IPARRAGIRRE ESKOLAREN GURASO ELKARTEA»ri:

2018ko otsailaren 28an: 10.000,00 €

Kutxabank entitateko K/K: 2095 5044 32 1061763404

Bosgarrena. «IZALGO AITA IPARRAGIRRE ESKOLAREN GURASO ELKARTEA»k 2018ko abenduaren 15a baino lehen aurkeztu beharko du :

- Laguntza emateko baldintzak bete direla azaltzen duen jarduera memoria: zer jarduera egin diren eta zer emaitza lortu diren zehaztuta. Kirol praktikari dagokionez, memoria aipatuko da emakume eta gizonen arteko berdintasunari buruz egindako jarduketak eta horien eragina.



- Egindako jardueren kostua zuritzeko memoria ekonomikoa, honako hauek bilduko dituen:

a) Jardueraren gastuen zerrenda sailkatua: hartzekoduna eta dokumentua, zenbatekoa, jaulkipen data eta, hala badagokio, ordainketa data adierazita.

b) Fakturak edo trafiko juridiko merkantilean pareko froga balio duten edo eraginkortasun administratiboa duten dokumentuak, aurreko paragrafoan aipatutakoak eta, hala badagokio, ordainketa egiaztatzen duen dokumentua.

c) Diruz lagundutako jarduketa finantzatu duten bestelako diru sarrera edo laguntzen zerrenda xehatua: zenbatekoa eta jatorria adierazita.

Diru laguntza zuritzeko xedatutako epean ez badira aipatutako eredia eta dokumentazioa aurkezten, 15 eguneko epean aurkez dezan eskatuko zaio elkarte onuradunari. Epe berriaren barruan egiaztapenak ez aurkezteak, seigarren klausulan aurreikusitako ondorioak ekarriko ditu.

Elkarte onuradunak lau urteko epean gorde behar ditu diruz lagundutako jarduera egin dela eta jasotako funtsak erabili direla egiaztatzen duten agiriak. Erakunde onuradunak egiaztagiria aurkezteko duen epea amaitzen denean hasiko da lau urteko beste epe hori.

Eskatutako dokumentazioa aurkezten denean, organo emaileak dagozkion egiaztapenak egingo ditu Ondorioztatzen bada diruz lagundutako kostua onartutako diru laguntza baino txikiago dela, edo diru laguntza zuritzeko baldintzak ez direla osorik edo neurri batean bete, edo ez direla diru laguntzaren helburuak bete, onuradun erakundeari gorabehera horren berri emango zaio egindako egiaztapenaren emaitzekin batera eta seigarren klausulan aurreikusita dagoen bezala jokatuko da.

Zeharkako kosteak finantzatzeko emandako diru laguntzaren zenbatekoaren %8 dira. Zeharkako koste horiek ez dute eskatuko zuriketarik.

Seigarrena.- «IZALGO AITA IPARRAGIRRE ESKOLAREN GURASO ELKARTEA»k honako betebeharrak hauek izango ditu:

- Hezkuntza- eta kirol arloko teknikariari egindako jardueren eta ekitaldien kontrol eta jarraipen lanak erraztea.

-Idiazabalgo Udalak deitzen dituen bileretara parte hartzea; horretarako ahalik eta parte hartzerik handiena egon dadin, beharrezko bide eta bitartekoak ezarriko dira.

-Eskola-kirolarik, baldin eta Gipuzkoako Foru Aldundiko Gazteria eta Kirol Zuzendaritza Nagusiak prestatutako programetan sartuta ez badago, ez dela egingo bermatzea.

-Bi hizkuntza ofizialen erabilera bermatzea adierazpen guztietan; lehengo hizkuntza izango da euskara beti.

-Hizkeraren berdintasuneko erabilera bermatzea; emakumea diskriminatzen duten irudiak ekiditea eta berdintasunaren eta aniztasunaren irudia sustatzea.

-Antolakuntzan hondakinen birziklapenaren aldeko ekintzak gauzatzea, besteak beste, edalontzi eta tresna berrerabilgarriak zein hondakinak sailkatzeko ontzi egokiak erabiliz.

-Antolakuntzan espazio eta instalakuntza publikoak modu egoki eta garbian erabiltzeko kanpaina egitea, baita udal-zerbitzuekin koordinatzea eta elkarlanean aritzea ere, garbiketa-lanak ahalik eta lasterren hasteko eta bukatzeko.

-Beharrezkoa izango balitz, elkarteak bere ekimenez antolatutako ekitaldietan eta jardunetan aseguru poliza eta Gurutze Gorria, DYA edo antzeko erakundeekin asistentzia-zerbitzua kontratatzea.

-Idiazabalgo Udalak antolatutako edozein ekintzatan lagundu beharko du, Udalak hala eskatzen dionean.



Zazpigarrena.- Elkarre onuradunak hitzarmen hau aldatzea eska dezake, diruz lagundutako jarduera egiteko epea amaitu baino lehen. Halatan, eska dezake ezarritako epeak luzatzea, onartutako zenbatekoa murriztea, edo jarduera osatzen duten ekintzak aldatzea, eta eskatutakoa onartua izango da baldin eta aurreikusi ezin diren gorabeherak gertatu badira edo beharrezkoa bada jardueraren burutzapen egokirako, betiere diru laguntzaren xedea edo helburua ez bada aldatu eta ez badio hirugarren bati kalterik egiten.

Idiazabalgo Udalak hitzarmen hau alda dezake erakunde onuradunari jakinarazi ondoren eta funtsak erabili aurretik, hitzarmen hau onartzeko kontuan hartu ziren baldintzen aldaketek lortu nahi den interes publikoa eragotzi edo oztopatzen badute eta onuradunari ez bazaio kalte ekonomikorik egiten.

Elkarre onuradunak zurrizteko agirian jakinarazten badu aldatu egin direla diru laguntza emateko kontuan hartu ziren baldintzak, eta, aldaketa horiek direla eta, lehen adierazitakoaren arabera ebazpena aldatu egin zitekeela, baina aldaketa onartu aurreko baimen administratiboaren tramitea ez zela egin bere garaian Idiazabalgo Udalak aurkeztutako egiaztapena onartu ahal izango du nahiz eta horrek ez duen onuraduna salbuesten azaroaren 17ko Legearen 61.-63. artikuluen arabera dagozkion zigorretatik.

Zortzigarrena.- Onuradurak ez badu betetzen hitzarmen honetan eta gainontzeko araudi aplikagarrian ezarritako baldintzetakoren bat, laguntza hau jasotzeko eskubidea galduko du erabat edo neurri batean, eta jasotakoa itzuli beharko du osorik edo neurri batean, legezkoekin berandutza interesekin batera, azaroaren 17ko 38/2003 Legearen 40. atalak xedatutakoari jarraituz, eta erantzukizunak eskatuko zaizkio, aipatutako 38/2003 Legeak xedatutakoaren arabera. Bete gabe utzi dena mailakatzeko, proportzionaltasun irizpideak erabiliko dira, indarrean dagoen diru laguntzei buruzko araudiarekin bat etorriz.

Lanaren bideragarritasunagatik edo izaeragatik, edo behar bezala justifikatutako beste arrazoiengatik ezingo balitz lana bukatu edo aurrera jarraitzea komeniko ez balitz, diru laguntza bukatutzat eman eta eten daiteke, bi aldean artean adostua.

Bederatzigarrena.- Hitzarmen honek sinatzen den egunetik hasi eta 2018ko abenduaren 30era arte izango du eragina; eta edonola ere, hartutako konpromisoak erabat bete arte, hurrengo klausulan ezarritakoaren kaltetan gabe.

Hamargarrena.- Hitzarmena aurreko klausulan ezarritako indarraldia pasatu delako edo hitzarmena hautsi delako irauzgarria da. Alderdietako batek bere gain harturiko konpromisoak betetzen ez baditu, besteak ahalmena izango du zehatz-mehatz bete ditzan eskatzeko, edota hitzarmena amaitutzat eman dadin eskatzeko. Halaber, diru laguntza emateko kontuan hartu diren baldintzetan edozein aldaketa gertatuz gero, eta nolana ere, diru laguntza harez gain beste erakunde publiko nahiz pribatuengandik besteren bat jasoz gero, lankidetzan hitzarmena aldatu edo irauzgarri daiteke. Deseginez gero, alderdiek amaieraren baldintzak eta gauzatze bidean dauden jardueren ordainketak zehaztuko dituzte.

Hamaikagarrena.- Hitzarmen hau izaera administratibokoa da. Hitzarmena interpretatu edo betetzerakoan arazorik sortuz gero, administrazioarekiko auzibideko jurisdikzioak erabakiko ditu.

Hitzarmen honetan arautzen denaz gain, aplikatuko dira azaroaren 17ko 38/2003 Diru laguntzen Lege Orokorra eta uztailaren 21eko 887/2006 Errege Dekretua, Diru laguntzen Legea garatzen duen Erregelamendua onartzen duena.

Idiazabalgo Udala



Eta ados daudela frogatzeko, hitzarmen honen hiru ale sinatzen dituzte, goi-buruan ageri diren lekuan eta egunean.

IDIAZABALGO
ALKATE UDALBURUAK
Ioritz Imaz Baztarrika

«IZALGO AITA IPARRAGIRRE ESKOLAREN
GURASO ELKARTEA»
Gorka Alberdi Iparragirre

Nire aurrean,
IDAZKARI KONTU HARTZAILEAK
Isabel Fuertes Matxin

Idiazabalgo Udala

